

Jatian conejon mašhō acá iqui
nescāaquin: Sināyamahue, mašhō,
shinanhue en mia yoiantana jahuequi
ochō riqui aquin en mia ayantana.
Enra mia boai, jainoašh moa ošhe
picotai, jascara iquetian noa jahue
quescatašhbi noa jahue quescaiyamai.

Ja icá iqui queso queyošhon
conejo piti shinanya. Ja bain caquin
mašhacan conejo yocá yocá baina iqui
nescaquin: ¿Ochobiresin nocóti?
¿Moaqui noa ochomataniai?

Jatian conejo acá iqui: ocho-
bires pari riqui, aquin. Janribí
mescoquin shinan shinan baina iqui.

Jascaa mašhó ahuinin yoia iqui:
Jascarama riqui, aquin.

¿Jahue quescatiqui min baquebo
jacon ira bo iqui?

Eara queenai min noconabo jascá-
shamaribi aquin ašhontinin, icá iqui
ja mašhó ahuin.

Noi bamis šhoya išhon rabé aquin
menia iqui. Moa requen aquin ahuana
quescá ribiaquin.

Icašhbi mašhocan ja quimisha
itin yocáribia iqui, ja yocati icá
iqui: Eara quenribiai huetsa. Ea
menihue pano, šhoyá.

Jascaašhon šhoyan yoia iqui:
Rama meniquinra en mia ani paquesš
meniai. Jascara iquinra, mia
quinquinbiresi janšhbátiqui.